



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 30/03/2022

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Bannenzeg Sécherheet weiderzeleeden.

An der parlamentarescher Fro Nr°5749 vum 11te Februar 2022 hunn ech mech iwwert déi néi Acquisitioun bei der Police informéiert.

An der Äntwert vum Ministère gouf iwwert d'Elektromobilitéit, den CO2-Ausstouss an déi zousätzlech bestallten Optionen Auskunft ginn.

An deem Zesummenhang wéilt ech dem Minister dës Froe stellen:

1. Wéi vill Euro huet de Ministère säit 2017 pro Joer an d'Elektromobilitéit investéiert?
Wéi stinn des Investitioune prozentual zum Total vun de järelechen Depensen?
2. Firwat sinn nëmmen 30% vun de Kommissariater mat Elektroboren equipéiert?
3. Gëtt et ee konkrete Plang bei der Police, wéi een ee méi héijen Taux un Elektroboren an noer Zukunft realiséiert?
Wann jo, bei wéi vill Prozent géing deen Taux béi Erfëllung vum Plang léien a bis wéini? Wéi vill Schnellluekstatioune falen hei drënner?
4. Wéi vill Autoen (opgelëscht no EURO Norm) ëmfassst déi gesamt Policeflott?
Wéi vill dovunner sinn elektresch Autoen?
Wéi vill vun den elektreschen Autoen hunn eng Leeschtung vu manner wéi 18kWh a wéi vill vu méi wéi 18kWh?
5. Wéi vill CO2-Emissioune kéint pro Joer duerch d'Ersetzen vun de 96 EURO 5 Norm Autoen duerch d'EURO 6 Norm Autoen agespuert ginn?
Wéi vill CO2-Emissioune verursaacht déi ganz Policeflott pro Joer?

Mat déiwem Respekt,



www.piraten.lu



GOERGEN Marc

Député



www.piraten.lu